


B. N. C.
FIRENZE

1039

3



1039 3





VIII. 25

NAN





DIALOGISMI
Heroinarum, auto-
RE PETRO NANNIO ALEC-
MARIANO, LOVANII IN COLLE-
gio Trilingui Latinas literas profitète.

Libellus nunc primùm & natus & edi-
tus, lectuque dignissimus.



PARISIIS.

Apud Christianum Wechelum, sub scuto Ba-
siliensi, in via Iacobea: & sub Pegaso, in
vico Bellouacensi. Anno
M. D. XLI.

Handwritten notes at the bottom of the page, including "B. 9. 9. 10" and "C. 1. m. 1. 1. 1."

Dialogismorum heroinæ.

Lucretia.

Sufanna.

Iudith.

D. Agnes.

Camma.

Clarissimæ heroinæ

MENZIAE MENDOZAE,

Marchionissæ Zenentensi, Petrus

Nannius S. P. D.



IN recentibus nuptijs oportuna sunt epithalamica: vbi nuptiæ inueterauerint, sero adhibetur istiusmodi officium. Nos quia longissimo oceano, & ingenti terrarum spacio disiungimur, nihil mature cognoscimus: & vbi cognitum est, scriptis nostris tempestiue occurrere non possumus. Pro epithalamico igitur carmine, à quo tempore exclusi sumus, hunc libellum dialogismorum ad te transmisimus, vbi tu heroinas tibi simillimas contemplari potes. Elegimus enim castissima ingenia, vt eos in alijs affectus cognosceres, quos intus in tuo pectore semper fouisti. Indimus libro titulum Dialogismorum, quia singulae personae secum loquuntur. Amauimus hic & varietatem, & paucitatem, vt utroque modo lectoris tædio consuleremus. Nunc igitur audi quid in singulis personis secuti simus. Lucretiâ finximus Romana indole generosam, cui adiunximus summam pudicitiam, sed ambitiosam: eamque non minus auidam bonæ famæ, quàm castitatis tuendæ, interritam aduersus mortem, vltionis cupidine mirè ardentē. Multas huic addidimus sententias, animæque solertiam in cogitandis suis fortunis per omnes circumstantias rerum discurrentis. Huic religione & genere diuersam Susannam opposuimus, quâ san-

Aij Aior

Altiore pudicitia instruxi, ut quæ maluerit impudica haberi, & publico supplicio perire, quàm ob famam conseruandam ad flagitium descendere. Habet ex religione etiam inter extrema pericula spem aliquam in DEO. Verba huius Hebræorū scripta redolet, ut Hebræam eam esse intelligas. Tertio loco Iudith constituimus, & ipsam quoque eiusdem generis puellam, sed à Susannæ moribus nonnihil discrepantem. Callidū enim illi pectus & insidiosum, animus ad audendum pròptus, dextra nequaquàm ignaua: Susanna contrà simplex, rerum imperita, & ad sese explicandam, fermè nullius consilij. Hæc in pericula castitatis fortuito incidit, Iudith se vltro præcipitauit: præter curas domesticas nihil videtur in pectus Susannæ descendisse, Iudith cōtrà totius gentis salutem sua sollicitudine circūplexa est: nec solummodò matronales, sed etiam politicos mores habet: quamobrem illi attribuimus phrasim aliquantò cæteris altiore, et nōnihil tragicè ampullantem.

Quarto loco collocauimus D. Agnetem, cuius pudicitia maioribus periculis tētata fuit, quàm vllæ aliæ superiorum: Huius puellarem indolem, & vixdum duodecimo anno instruatā, nullo modo pro ætate illa depingere potuimus. Virgūcula. n. illa, nō solū annos suos, sed sexū quoq; transgressa, plusq̃ virile pectus, plusq̃ senilē mentē ostendit. Hanc igitur relicta ætate & sexu verbis suarum virtutum adornauī. Non optat vitam, ut Susanna: nec metu infamiz turpia admittit, ut Lucretia: nec pericula quærit, ut Iudith: sed mori cupit, & esse cū Christo. Fortem, inuictum, imperterritum animum, et in ipsa indignitate rerum & cruciatu pœnarū exhibet. Ardent illius verba, ut eam sentias igne Spiritus sancti accēsam. Multa illi mētio de suo erga spōsum Christum amore, ut ætatis illius pronitatem erga amores nōnihil indicaremus. Vltimum locum obsidet Camma, matrona Gallici generis, & sacerdos Dianæ. Huius historiam quia obscurior erat, ex Plutarcho interpretati sumus. Hanc induximus dissimulatricem offēsi animi, pertinacis simultatis, & longū iras suas recondentis, miri
amoris

amoris erga maritum, avidam vindictæ, & in ipsa morte ob-
 vltionem sumptam & exultantem & hosti insultantem, fero-
 cem ingenio, callidam tamen, vt certò scias eam Gallogræ-
 cam esse. Cuius mores in hoc consentiunt cum Iudith, quod
 ambæ præter maritales amores nullos norunt, ambæ perpe-
 tuæ viduitatis studium habent, ambæ in vltionibus bene cõ-
 silia sua explicant. In hoc rursus dissentiunt, quod Iudith ex-
 tincto marito superesse voluit, Camma statim mori opta-
 uit, nec nisi in spem vltionis vitam ad aliquot annos ad-
 misit. Testi vtrobiq; animi, periculorum contemptores.

Quid sectari sumus indicavi, quid adepti sumus, tu inter a-
 lios doctos cum marito tuo Duce Calabriae doctissimo viro
 facile dijudicabis: quorum si eruditioni satisfacere nequeam,
 ad humanitatem vestram appellabo, vnde me facile speraue-
 ro veniam consecuturum. Si enim vestris istis diuinis menti-
 bus, & fecundissima eruditione digna cupitis, nõ ab homi-
 nibus ea, sed à Musis petenda sunt. Diuina enim diuinis com-
 petunt: nec à mortali animo postulandum, quod in heroës &
 heroïnas congruat. Rectè enim à Theocrito cantatum est,

Μῶσα μὲν διαίτῳ δῖον, διαίτῳ ἄνδρῳ.

Vale decus nostri sæculi, virumque tuum tecum diu sospitem
 videas. Louanij pridie Calendas Maias. Anno 41.

1752-1753

The first of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

The second of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

The third of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

The fourth of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

The fifth of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

The sixth of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

The seventh of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

The eighth of the year was a very cold one, and the weather was very disagreeable. The snow was very deep, and the wind was very strong. The people were very much distressed, and the cattle were very much starved. The people were very much distressed, and the cattle were very much starved.

L V C R E T I A E

DIALOGISMVS.



Pudicitia, quæ sola Lucrétiam facie-
 bat, periit: quid enim sine pudicitia
 Lucretia? amisso igitur pudore, sola
 superest mœcha, plena probri, atque
 alieni mariti libidine. Pereat hæc quoque, cum
 Lucretia perierit, cum perierit pudor. Cur nũc
 amarem vitam, accepta hac indignitate? cum
 ante hoc scelus illam vilem habuerim: cum e-
 nim adulter mortem minaretur, obtuli iugulũ,
 obtuli pectus, nullam partem corporis vulne-
 ribus subtraxi, vt inferret mortem, quamcunq;
 liberet. Prius igitur tam prompta ad mortem,
 ne hoc dedecus paterer: nũc cum id passa sim,
 cunctantior & hesitantior ad mortem ibo? So-
 la mors potest meos dolores finire, sola ab in-
 famia sceleris purgare. Si vitam retineo, oblu-
 ctatio illa, & pertinax pugna cum adultero, si-
 mulantis videbitur, non recusantis: audio enim
 mœcharum artem esse, tergiuersando virorum
 libidinem incendere: putabórque eò magis me
 inuitam finxisse, quò maiores pollicitationes

ab

ab amante extunderem. Promisit ille ingentia munera, regnum Romanum, regnum Gabinum inter pollicitationes allegavit, suosque se amores, ne infamiam mihi conciliarét, regalis matrimonii titulo cohonestaturum. Si vivo, hæc promissa videbor expectare, me miseram, mori quidem certum est: sed utinam prius mori licuisset, nunc in morte excusationem tantummodò inuenire possum, pudicitiam amissam reperire non possum. Cur non scelerrati Tyranni eodem modo in omnes sæuitis? ferum habetis aduersus viros, cur nõ idem stringitis aduersus fœminas? nunc cedes in viros, stupra in matronas infertis: mea tamen fortuna hac in parte cū viris coæquabitur, iacebo mactata, si non ipsorum, saltem mea manu, imputabiturque illi cedes, nõ qui eam peregit, sed qui causam dedit. Qui enim pudicitiam eripuit, vitam eripuit. Vivant cui flagitia dulcia sunt, retineant vitam, ut redeant ad stuprum: ego si præsciuissem hoc dedecus instare, ante damna pudicitiae, vitam in posterum probrosam futuram, maturè abiecissem. Quæ igitur peritura fui ante iacturam castitatis, amissa castitate flagitiosam vitam retinebo? in qua nihil dehinc honestum,

nestum , nihil dulce sperare possum . Omnia
 decora, omnia ornamenta matronalis dignita-
 tis in sola pudicitia cōstituta sunt, voluptas so-
 la in cōscientia seruata coniugalis fidei. Nūc
 si liberi mihi futuri sunt , aut adulterini erunt,
 aut certè ex adultera matre nascentur. Scilicet
 in vita perseuerabo? vt Tarquinio mater fiam,
 vt hostiles filios in meo sinu educem, vt in eo-
 dem partu & raptoris vim, & amissam pudici-
 tiam, & perfidiam cōtaminati maritalis tori,
 quasi in perpetuo , & præsenti semper monu-
 mento & videam & agnoscam? Quin ob hoc
 ipsum morere, vt in tua nece Tarquinius occi-
 das, ne liberos quos matrimonio debuisti, adul-
 terio reddas. Occidit Medea iniuriosi mariti li-
 beros, tu non mariti sed adulteri occides. Gra-
 uida nec ne sum, nihil dū scio: hoc scio, vt nul-
 las voluptates concipiendi experta sum, ita nul-
 los dolores parturiendi expectabo . Nec quæ
 gravidarum preces sunt, Lucinam inuocabo,
 sed quod morientium, inferna numina, Proser-
 pinam , Libitinam , Plutonem meis votis so-
 licitabo, vt innocentem animam liberā à cor-
 pore, quod solum peccauit, sociam & comitem
 adiungant castissimis vmbreis, à quorum mori-

bus necessitate tantum abfuit, non studio aut proposito. Me miserâ, satiabo me querelis, circunferam meam expostulationem per omnia. Cur me natura tam formosam fixisti? cur illecebrofam istam pulchritudinem, & sollicitatricem adulterorum meis membris adiunxisti? cur animum dedisti pudicum, speciem corporis dedisti, quæ pudicitiam obstitaret? Munire debueras turpitudine corporis castum animum, quem alioqui scieras pudicitiam sanctè tueri non posse. Cur tu quoque Fortuna me in eas nuptias coniecisti, quæ affinitatem cum Tarquiniis haberent? Si vili, si plebeio nupta fuisset, latuisset in sordibus, et obsoleta paupertate & miseriis inopie, formæ dignitatem hebetasset. Cur tu quoque scelerata nox, vel somnum meis ancillis, vel eam negligentiam iniecisti, ut cubiculi fores non omnibus seris & repagulis occluserint? O meam quoque nimis securam simplicitatem, quæ nihil tale suspicata sum, nec pestiferum quippiam timui, quæ pestem intus & in penetralibus habebam. Nec de te Collatine tacere possum. Cur laudasti coniugis pudicitiam? cur thesauros tuos furi ostendisti? quod pulchrior flos, eò magis carpentis manum inuitat.

In

In abdito habenda sunt omnia magnifica, nisi prædatorem pati velis. Cur illum in ædes ad-
duxisti? Hospitia non carere periculo, ex Me-
nelai iniuriis: & cognationis necessitatem nihil
valere, ex ipsis Tarquiniis iam olim cognosce-
re potuisti. Scilicet, qui tot ex suis crudeliter
mactarunt, nefarium putarent, cognati vxorẽ
flagitio commaculare: nihil illis fas est, qui ex
parricidis, ex incestis nati sunt. Tarquinii vxo-
rem si queras cuius fuit, fratris fuit, per frater-
nam necem ad suas nuptias viam, fecerunt, nec
gravius parricidium, nec scelestior venus repe-
riri potest: istorum animis vllum crimen hor-
ribile putas? Sed quid te incuso dulcissime ma-
rite? nimiùm magnas pœnas erroris dabis, si
modò errasti. Amisisti vxorẽ, quã nec pudicã
ampliùs, nec viuam habebis. Quid enim sum
aliud q̃ adultera? certè adulterata sum, p̃bro-
fa sum, si non meo, tamen alieno flagitio: non
culpæ excutio, sed facta expèdo, A Equè cõta-
minata est, cui aliena manu aspersæ sunt sor-
des, ac illi, cui sua: æquè mortua est quam vis a-
liena extinxit, ac illa est, quæ sibi mortem cõ-
sciuit. Ibo igitur ad maritum, ibo ad patrem?
apud illos eas pœnas de me dabo, quæ adultere

B ii debent

debentur. Illorum erat de adultera supplicium
sumere: sed noui eorum animos, coactum faci-
nus pro culpa non imputabunt: nec sustinebūt
corpus mulctare, cui ex adulterio, non volup-
tas, sed dolor quæsitus est: ergo cū destituar
mortis ministeriis, mea manu fortiter aduersus
innocentem me, sed tamē contaminatam vtar.
Hoc dissimilis sū à reliquis adulteris : ille ob-
nixè reticent commissum piaculum, ego meam
ipsum infamiam prodam: illæ nullius equē cō-
scientiam ac parentis & mariti reformidant,
ego in istorum sinus, querelas de amissa pud-
icitia libentissimè effundam: illæ cupiunt vitā,
vt iterum peccent, ego cupio mortem, quia se-
mel peccaui: illæ odere maritum vt carnificem,
amant adulterum vt tori consortem, ego a-
dulterum non minùs libenter trucidare, quàm
meipsam trucidabo: pro marito autem vt Al-
cestis illa, non semel cuperem mortem oppe-
tere: illæ cum voluptate meditantur sua flagi-
tia, experiuntur cum voluptate, recogitāt cum
voluptate, mihi scelerata ista Venus nec in
sensibus, nec in cogitationibus dulcedinē vllā,
sed intolerabilem luctum, funestissimos mœro-
res, acerbissimam egritudinem infudit. Ille pal-
lent

lent deprehensæ, quia in timore sunt, ne moriantur, mihi mortis pallor genas infecit, quia cupio quàm primùm ingratisimam lucem abrumpere, tædet cœli conuexa tueri. Sed obsecrandus est maritus, obtestandus est pater, vt manes meos vltione prosequatur, cuius cùm promissis suis mihi fidẽ fecerint, cum sepsu quodam voluptatis ex futura vindicta cõceptæ ad mortem alacris properabo. Sed valedicam prius meis penatibus, valedicam toro, cui iam nõ licebit oscula suprema infigere, quia horreo scelus inibi admissum: dirum mihi videtur quicquid loci vicinitate cum tetro illo facinore cõiungitur. O miser tore, quem antea tam casto amore foui, vbi nulla mihi vnquàm cogitatio de alieno viro fuit. Eheu tam pertinax cura pudicitia quid premii consequuta est? Iam de expugnata castitate immanissimus TyránuS triumphabit, quicquid tot anni honestatis, dignitatis ex integritate famæ mihi comparauere, id totum simul nox vna amisit: violatum coniugium, incestatum adulterio maritale cubiculum, corpus stupro oppletum, solus animus integer remansit, si modò integer est, qui ob infamiam peccati, peccatum admisit: certè adul-

tera facta sum, ne adultera existimarer. Prego ille plus habere non potuit, quàm consequutus est, ego plus amittere non potui, quàm amisi: ille summæ pudicitiae insidiatus est, ego summâ pudicitiam amisi: ille tantum adeptus est, quantum in votis fuit, ego tantum perdididi, quantum abominabar: nō est quo ulterius procedat vel illius cupido, vel meus timor. Cur illa laus pudicitiae sub instantem iacturam nobis à fortuna assignata est? cur pudicissima in certamine virorum deprehensa sum, quæ paulò post pudicitiam peritura eram? Commonstrabilem in me Fortuna utrunque casum fecit, ostentationi fuit pudicitia & virorum nocturnis superuentibus explorata, ut paulò post amissa, maiori ludibrio & dedecori esset. Sic ægrotus sub imminentem mortem rectiùs se valere existimat, sic defectura candela, eo ipso momento, quo lumen eius perituum est, clarius emicat. Si non tam casta deprehensa fuisset, minùs ad libidinem placuisset, virtus mea iritamentum alieni sceleris fuit. Viderat uxorem suam in vino, me in lanificio: illam inter æquales luxui indulgere, me inter ancillas operas vrgere. Nolu it plus esse boni in domo Collatini, quàm in domo

domo Tarquinii: méque suæ vxori flagitiis, si non vltroneis, saltem coactis, persimilem esse voluit. Agè iam Collatine iacta Lucretiæ tuæ pudicitiam, quam aliena libido suam prædam fecit: iacta corpus vxoris impollutû, quod Tarquinii iniuriis cõspurcatum est. Imò quanto ludibrio tuas de me gloriationes irridebit, ægrè ac prorumpentibus cachinnis arcanum suæ libidinis continebit. Etiã inter metus legum solent viri de stupris matronarum gloriari: isne igitur silebit, qui potestate Regia legibus solutus est, & tyrannidis vi quicquid sanctum est, proculcat, qui de scelere gaudet, & cuius gaudium à legibus securum est, suos triumphos tacitos habebit? quod in aliis viris lusus est inter pocula, id nefarium sibi in regni licentia existimabit? Veniat modò in colloquium vel patris vel mariti, iam ipsa insultatione & insolentia suum scelus vltrò proferet. Citius Lucretius, citius Collatinus calamitates domus nostræ ex adulteri risu cognoscent, quàm ex meis lachrymis resciscere poterunt. Malè celantur scelera etiam inter supplicia legum: hic qui non minùs leges negligit, quàm ab earum pœna securus est, tacitam continebit suam voluptatē? occultare

cultare poterit id in ipsius possessionem venisse, ad quod nemini vnquam aditus dabatur. Vel solus risus ad verba de mea pudicitia facta, rem manifestam dabit. Si iactabit maritus, me solam inter regias nurus in studio & signis castitatis deprehensam, ille contrà animo suo reuoluet, se me in lecto nudam oppressisse: quo vultu ibi tum respiciet infelicissimum maritum, quibus oculis me ad iterationem libidinis denotabit, quam facilitatem sibi promittet in repetendo scelere? nō enim timebit in expugnatæ nouam pugnam, non putabit se amplius ad Lucretiam, sed ad mœcham accedere. Sed esto taceat, silentio latebras suis criminibus quærat, redibit sæpius ad renouandum stuprum: si nolim, ostendentur minæ prodendi adulterii, & indicii metu ad nouum scelus iter parabit. Qui me miserā adulterii accusare volebat, ideò, quia adultera nolebam fieri, illēne à possessione depulsus, ab usu reiectus, mœcham verebitur infamare? Sed quid ego hæc disputo? metuāt indicia, quibus vita in voto est, mihi nihil est timori, nisi me prius ab alio, quàm à me meam iniuriam cognoscat maritus. Sed finge me ex aliarum ingenio moratam esse, vt quod semel
per

per vim passa sim, postea metu indicii admit-
tam, quid futurum est de marito? ille aut statim
occidetur, quò nuptias mœchus ex adulterio
conficiat, aut leno cogetur fieri suæ vxoris, ra-
piendus ad necem quodocunque properanti
libidini se minùs obsequentem præbuerit. Er-
go Lucretia si moriendi animum non habes-
res, ex istis cum causis assumere deberes. Vi-
ues scilicet, vt quodocunque libuerit, ad stu-
prum rapiaris, vt maritum vel lenocinantem,
vel occisum aspicias, vt patrem quotidianis
probris famosum reddas, vt Romam dedeco-
re oppleas, sæculum istud pessimis exemplis
contamines. Quin armas dexteram, quin hau-
ris vitalia, & ad ipsum cor mucronem adigis?
Magnæ laudis erit, te vltro ad cōfessionē deli-
cti cucurrisse, pœnam, quam pater, maritus, ti-
bi remiserint, à te exegisse: & cum adultero re-
gnare poteras, in odium adulteri mori volu-
isse. Hoc placet, hoc exequar, nunc simul
ad patrem, & maritum, & ad mortem prope-
rabo: tu charissime pugio, quem nunc in ve-
stibus occulto, ne te antea prodas, quàm cæ-
dem nostri perpetraveris. Valete Penates cha-
rissimi, valete Lares, vale familia, vale tu quo-
C que

que nouissima lux. Lucretiam iam non ampli-
 us viuam, sed suis vulneribus maētatam, &
 cruentatam aspicietis.

DIALOGISMVS

SVS ANNAE.



Funestam lauationem, & causis
 mortis instructam: sic lauatur. ca-
 dauer, quod vespillones libitinarii
 sepulchro apparant: ego mihi in illo
 fonte nescia omnium polinrix fui, pręueni of-
 ficiis funebribus meam ipsius mortem. Nunc
 adeundum sepulchrum, non quod ex rupe ali-
 qua excisum corpus simul & memoriā defun-
 cti tueatur, sed quod lapidantium manus inie-
 ctu saxorum coaccumulauerint. Non enim me
 parentum manus in tumulo cōponent, sed pu-
 blico supplicio pœna adobruet. Nō inter me-
 os iacebo, nec cum cognatis corporibus eidem
 conditorio incubabo, sed inter feralia noxiorū
 hominum ossa sedem habebō: eōsque in poste-
 rum vicinos & accolas expectabo, quos sceler-

ra per condemnationem in hunc locum adue-
xerint. Nihil est quod expectem aut menstruas
exequias, aut parentationes annuas, nemo iu-
stis, nemo funebribus officiis colet, ut cuius me-
moriā cum vita extinctā ipsi etiam paren-
tes cupiant. Periiit lepte filia, sed ut victima do-
mini Sabaoth: periiit Rachel, sed ex partu: alte-
ram quodammodò voluntas Domini, alteram
naturæ infirmitas extinxit: luctus quidē in mor-
te ingens, nullum tamen probrum adfuit. Non
de forma doleo, quæ mecum extinguitur, illam
odi, quia primū mihi sollicitatores adulterii,
deinde calumniatores attulit: nihil lugeo æta-
tem iuuenilem, quæ in flore succiditur. Hoc lu-
geo, quòd non citiùs perierim, quòd calumnia
me in vita repperit, quòd non ante crimina-
tionem è vita surrepta sim. Si ante annos ali-
quot fato perfuncta fuisset, doleret maritus,
sed ut de uxore: luctuosi essent parentes, sed ut
de filia: mæsti cognati, sed ut de consanguinea.
Nunc maritus memoriā mei ut adulterę ex-
ecratione, parentes irā, reliqui odio persequen-
tur. Omnia quæ erant ornamēta fortunæ, qua-
si vinum toxico imbutum, mutata natura sua
in summum dedecus abiire. Claritas natalium,

conspēctius nostrum probrum, dignitas mariti notabiliorem nostram infamiam, formæ venustas credibiliorem criminationem facit: famæ honestas, qua hætenùs florui, admiratione insolitæ culpæ, euocat omnes potiùs ad spectaculum, quàm vllam defensionem meæ causæ addit. Quid turpius, quàm fœminam primariam, totius gentis principem, summo viro loachim nuptam, sororem Helchiæ, cui Dominus dedit clauem domus David, de stupro cõuinci, eamque non puram videri ab alienis viris? cùm trēs pueri, Sydrach, Mysac, Abdenago, cum periculo capitis, cum certa expectatione ardentis fornacis, in quem coniiciendi erāt, à cibis impuris & communibus abstinerint.

Innocens sum, quid tum? nemo præter Deum innocentiam meam sentire potest: auidi populares mei ad meam pœnam inhiant, cupit quisque in me vlcisci, quòd totam gentem infamia oppleuerim: nec iam adulterium periculosum maritis, sed toti genti perniciosum putant. Habitat ad flumina Babylonis, inter exterarum nationes, atque adeò inter hostes suos, sola honestate famæ tuti sunt, per solam integritatem nominis & à Rege concessione, & à Deo potestatem

tem redeundi in patrias sedes sperant, quam ab Hieremia promissam, certam iam sibi & indubitatam credunt, nisi adulterio aliisque criminibus id ipsum impediatur. Quid ergo mirum, si sæuiunt irâ in eam, quam putant, & pudicitiam conjugalem, & spes suas repetendæ patrię debilitasse? Hinc arbitror esse, quod plarisque sceleribus vnus tatummodò adhibetur carnifex, qui supplicium inferat, in adulterio omnes munia carnificis obeant, nemo non lapides iacit, vt violatæ pudicitie omnes vindices appareant. O miseram innocentiam, quę teste caret, nunquàm cogitationes meæ alieni viri concupiscentiam admiserunt, in timore domini educata sum, procul à vanitate mundi habita sum: & quod marito nupsi, potius parentum obsequiis, quàm meis votis indulsi: tamen iâ misera de adulterio conuincor, nec inuenio vllâ efficacem excusationem. Quæ sæpius peccauit, causas suas sæpius meditata est, & præparatam habet excusationem: ego quæ nunquàm peccauui, nunquàm operam dedi ad purgationes cõminiscendas, tam rudis misera sum ad defendendum, quàm ad scelus patrandum fui. Sed finge me peritâ exercitatamque in causis agen-

dis, quid quæso pro me in defensionem adferâ?
sola deprehensa sum, in loco arborû umbris opaco: ancillas ablegavi, quasi arbitras vererer, ne secretum meum turbaret: corpus magna ex parte renudaui, id quidê lauâdi causa, sed quæ frustra allegatur, cum fidem non inueniat. Si dico ancillas me ad smigmata ablegasse, reclamabitur statim, cur non vnâ aut alterâ, sed omnes ad tantillum negotiî amandauerim. Contra me est illecebrositas formæ, facilè in pulchris calumnia stupri hæret: quod multi cupiunt, multi ambiunt, vnus aliquando impetrasse videtur: sola superiore fama alienior à crimine esse videor, sed illa præsentî calumnia extinguitur: quæ aliquândò probatur peccasse, non antea casta, sed cauta fuisse creditur, omnèque superius vitæ tempus ab extrema hora æstimationem accipit. Vitaui publicum, vitaui excursus, domi misera in latrones, qui foris timendi videbantur, incidi: qui quia pudicitiam non potuere, vitam meam iugulare cupiunt: ac ideo acrius ad supplicium meum incumbunt, quod in eo simul & vltionem repulsæ, & tutelam suæ salutis repositam esse existimant. Quid enim aliud dicam, quàm quod verum est,

est, illos dum nego mei copiam, ex amatoribus in accusatores esse versos. Quis credet cano capite viros in libidinem exarsisse? quis credet binos idē eodem tēpore appetiuisse? nec alterū alterius conscientia vitauisse, & socium voluisse noui & nondum delibati amoris, cū vulgò iactent raram esse illam patientiam in veteri amatore, vt riualet ferat. Agē, vt hoc credibile videatur, eos ad stuprum societatem iniuisse, quis non putaret, illos in ea conuentione tēpora diuisuros fuisse. Vix vlla prostituta duos simul admitteret, quid faciet casta, cuius pudori nunquā vlla nox satis tenebrosa, nulla solitudo satis deserta videatur: quæ si quando corrumpitur, non præcepit in libidinem, sed longo tempore per gradus paulatim ad impudicitiam descendit, ac dediscit potiùs, verecundiam, quā abiicit. Quid veri ergo videbor allegare, si dixerō eos ambos simul concubitū meum expetiuisse? Præterea homines sunt venerandæ famæ, quos ob speciem sanctitatis vultus in Iudices elegit, qui in ferendis sententiis alienis auribus credunt: nunc in hac causâ videbuntur suis oculis et sensibus credere. Quid igitur adferam ad mei purgationem? quicquid
dix-

dixero, incredibile videbitur: & vt habeam euidentiſſimas excuſationes, animus exhorreſcit de talibus rebus quicquàm loqui: pudor mihi inuitæ ſilentium imponit, nō poſſum verba facere, de diluendo ſupro, cū mens vel ipſas cogitationes reformidet, certè non niſi egerri- me iſta mecum diſputo. Reſpiciam igitur ad parētes: inuocabo eorum præſidium? ſed illi pudore à me alienantur, ſtant taciti mecum, & de cauſſa mea deſperant. Fundunt lachrymas, gemitus, ſuſpiria, vt quam ſe diffidunt rationibus purgare poſſe, lachrymis diluant. Quò me miſeram conferam? implorabo iudicium æquitatem? at hi teſtes ſunt contra me. Aduoluam me genibus mariti? apprehendam brachiis illius genua? at ille retrudet brachia mea, quæ ſuis iniuriis polluta exiſtimat: ſperem illum deprecatorem? cui potiſſimùm leges vltionem & parat & ſuppeditant: lenem illum mihi putem futurum? cui lenitas lenocinii crimen affricare po- teſt. Auxilium miſera à populo poſtulado? at in horum animis prædamnata ſum. Circundederunt me gemitus mortis, dolores inferni circundederunt, vndique mihi anguſtiæ, intē- tant omnia mortem: quò caſta, ſed crimine fal- ſo

so plena lumina conuertam? pudor claudit oculos, & ante mortis tenebras sua caligine inuoluit. Neminē aulim respicere, neminē intueri, idē mihi pudor de crimine credito, qui aliis de facto & perpetrato est. Sed me miseram, renudant frontem, amouent calyptram, ostendūt vultus meos populo. Hei mihi, parcite pudori, si vitæ non potestis. Hoc solum vnicē in morte amo, quòd illa tenebras habet, quòd caliginē habet, in quibus lucifugus pudor opacas latebras inuenire potest: sinite quæso sine vexatione verecundiæ ad mortē properem. Verūm quid ille tumultus, quid illa fluctuantis multitudinis discursatio? condunt lapides in sinum, corbes saxis ruderibúsque plenos efferūt. Iā sentio, iudiciū pactum est, capitalis sentētia de me lata est, rapior, trahor ad destinatum suppliciū, tantūmq; iam disto à crudelissima morte, quantum interstitii est à tribunalibus ad locum carnicinæ. O miseram innocentiam, ô frustra castos mores, ô infeliciter pudicum pectus, quàm nihil in præsentia, fortunâ, præmióque à flagitiosissimis mœchis differo. Valetē parentes dulcissimi, vale cōiunx charissime, valetē cognati, valetē necessarii, quos in luctu ex morte, in

D probro

probro ex calumnia relinquo. Nunc tu omni-
potens deus Sabaoth, apud quem solum inno-
xia habeor, qui corda nosti, quem nihil ex ar-
canis latere potest, tu scis causam meam nō a-
liam esse, quā castissimi Iosephi: utrumque
fuga adulterii, criminibus adulterii implicuit: v-
trique aliorum conatus pro factis obijciuntur:
hoc discriminis est, quōd ille ad carcerem, ego
ad mortem raptor: ille ab alienigenis, ego à po-
pularibus damnor: illum externi, me mei pœ-
nis afficiunt: in illius malis non aderant parē-
tum, cognatorūque oculi, quos calamitate &
pudore oppleret, meum supplicium vnīuersum
Israheliticum genus intuetur: in illius sup-
plicio ob dilatam mortem spes aliqua melioris
fortunæ affulgebat, mihi ob præsentem lapi-
dationem nihil fiduciæ in posterum relinqui-
tur. Non tamen abbreviata est manus tua,
nec vllis ministeriis rerum eges, nec in agendo
moras & spacia temporum desideras, omnibus
temporibus, omnibus in rebus æquē omni-
potens es. Ionam in aluo ceti, quasi in thalamo
tutissimo seruasti: immissus per dentes imma-
nissimæ beluæ, remissus iterum in lucem, nullas
corporis offensas sensit: quem naus seruare nō
potu-

potuit à subuersione, eum piscis per profunda maris discursans à mari liberauit : cui datus erat in pabulum, inde habuit vectabulum: redactus est ad littora, marinæ beluæ gremio, non velorum sinibus: pinnarum impulsione, nõ remorum adactione. Mitte mihi quæso nunc eodem modo auxilium de sancto. Si voluisssem peccare, peccati non arguerer. Sed cum alterutra pericula circumstarent, vt cogerer vel te, vel homines iratos habere, malui incidere in hominum, quàm in tuas manus: ille enim nõ plus possunt, quàm tu voles, tu quicquid volueris, potes: doce in mea salute, semper castam innocentiam tutiorem, quàm scelestam conscientiam esse: omni humano auxilio destituta sum, sed propter te: te enim si posthabuisssem humanæ voluntati, iam omnes homines mihi propitios haberem: sed dilexi mandata tua, nõ super aurum & topasium, sed super vitam & salutem meam. Tu igitur Deus patrum nostrorũ, qui dedisti Israheliticis vadum in tráfitu maris, siccitatem in transgressu Iordanis, qui tribuspueris Sydrac, Myfac, & Abdenago, in fornace ardenti flammam ignis, in roscidas venti exhalationes mutasti, qui Daniele inter famelica

Dii ora

ora leonum intactum seruasti: nunc tuæ ancillæ, quæ mētem cum brachiis vt te adoret, extendere nō potest (brachia enim miseræ in tergum reuincia sunt) dexteram porrige auxiliatricem. Soles tu tuorum animos probare, nō extinguere: Abraham vsque ad euagationē gladii ad mactandū filium protraxisti, ad summum peruentum erat, vltius eum non siuisti pergere, suffecit tibi exploratio animi per omnia obedientis. Ad collimitium mortis progressa sum, vltius nisi peream, tendere non possum. Accusata sum, condemnata sum, ad carnicinam protracta sum. Flāma calumniæ me inuoluit, cœtus condemnationis me deglutiuit, leoninus furor lapidātis iracundiæ os suum super me aperuit. Extingue ignes falsissimæ criminationis, iube reuomere cœtum quod deuorauit, leonum maxillas exarma, dentes retunde, vt ancilla tua te iugiter laudet in terra uiuentium: redde marito vxorem, parentibus filiam, consanguineis cognatam, mihi cum salute integritatem famę. Sed quid video ita omnium suspensa ora? cur istud subitum silentium? cur statur? cur ita aures arrectæ sunt? cur vultus mutati? cur me nunc mœsto & commiseranti

ranti ore, cùm antea irato intuebantur? aliquis pro me loquitur, an nemo? certè sentio puerilè vocem. Deus de cœlo respexit humilitatem ancillæ suæ, gemitus compeditorum exaudivit, non frustrà meam fiduciam in illo collocaui.

DIALOGISMVS

IUDITH.



Ornit iam vino repletus, nec minùs ebrius amore, quàm vino. Sic infatuat eos dominus, quos perditos cupit, sperat se in me habere & concubinam libidinis, & proditricem gentis Israëliticæ. Nec Silarè meminit à Iahel occisi, ignarus dominum & per virilem, & fœmineam manum salutem populi sui operari solere: nec timet vlliùs tela, quum tot excubiis satellitum, tot castris militum vndique cingatur: à fœmina nihil audax, à transfuga nihil hostile, à blanda nihil contumax suis votis sperat: non metuit in tenera puella vim truculentiàmque Aicth, qui

D iii AEglon

A Eglon regem sub specie colloquii in cubiculo interfecit. Sed viuit Dominus, qui pectus meum consiliis impleuit, & nunc audacia obarmat. Resecabo colla immanissimi Tyranni, frustra tantum adiissem periculum amittendæ castitatis, nisi illud quod tatis discriminibus petiui, eade nocentissimæ beluæ perfecero. Quid finis illum vel inter dormiendum tuos concubitus somniare? ad spem producendus erat, nō ad fruitionem, ne imaginariæ quidem libidinis. Ornasti te gemma, auro, purpura, vt radiantis formæ lux, oculos libidinosi hominis perstringeret, & captum illecebris pulchritudinis ad perniciem detraheres. Si nō venisti ad amplexus petendos, pete iugulum. Casta nec esse nec haberi potes, nisi tyrannicidio. Si redibis sine illius capite, quid causæ dices, cur in castra tam vltro properaris. Quid senioribus, quid dicis sacerdotibus, quid Eliachim, quid Ozia; quid cæteris principibus? qui tibi publicè com meatum dedere, & tuum iter faustis votis, faustis ominibus prosequuti sunt, in tuis consiliis spem salutis Iſrahelitici populi repositam esse arbitantes. Quam excusationem habebit nitor faciei restitutus post triennales & semestres
sordes

fordes maritalis luctus? cur armilla in brachiis reposita? cur capilli à vertice capitis hinc inde discriminati? cur annuli rursus digitis induti? cur in aures rursus auribus appensi? cur viduitatis cultu abiecto purpurata processisti? si occideris eum, sancta calliditas est: si peperceris, meretricis fucus est, cultu suo alienos oculos ad libidinem sollicitantis. Vltrò te in ista pericula coniecisti, aliis damna pudicitie necessitate excusant, tu quicquid patieris, vltroneum videbitur. Venisti sponte ad castra hostilia, ducis colloquium vltrò expetiisti, inuitata ad epulas & consortium lecti, non abnuisti, nec te inuitam, nec te difficilem prebuiisti, imò ne simulasti quidem: præcurristi potius illius vota, quam sequuta es: Quò captiuitas adigeret, eò te vltrò præcipitasti: in ditione hostium sponte venisti, inter hostiles manus atque adeò in ipso tentorio ducis versaris, vel vt captiua, vel vt trās fuga. Ebrui contumeliosam libidinē expectas? flagitiis tantummodò à flagitio tuta es, ebrietas sola tuā pudicitiam defendit, decoquat vinum, abeat somnus, redeāt vigiliæ, Iudith inter castrēsia scortata numerabitur. Frustra callida est, quæ quod insidiis petiuit, perficere non audet: atque adeò
ipsæ

ipsæ insidiæ in caput insidiantis conuertuntur, nisi audaciâ animi explicata fuerint. Quorsû castra hostium perita sunt, si nihil hostile audeas tentare? cur ipsum ducem adorta es, si ad triumphos parandos, animus deficit? Pugnavit David cum Goliad, inermis præter fundâ cû panoplia instructo, puer cum viro, parvus cum Gigante: omnis illius fiducia in Deo, & in tribus lapidibus, nihil subsidii ex fraude, aperto Marte, sine clâculariis artibus omnia gesta sût. Tu arma ducis in potestate tua habes, cum iacente tibi res est, cum nudo, cum ebrio, cû dormiente, nec ex ebrietate vires habet ad resistendum, nec ex somno sensum sui mali intelligit, nervi resoluti sunt vino, ceruix languida relaxatis tendonibus potius humeris illapsa est, q̃ incumbit, oculi marcent somno, vix vulneribus excitari potest. Age rem masculam, supra ætatem, supra sexum, in mediis hostium castris ducis iugulum pete, aliquid maius faciendum est quàm Iahel fecit. Illa principem hostilium exercituum in somno interfecit, sed domi suæ, sed profugum, sed victum, sed latentem, & cui victrices copię à tergo ad perniciem imminebât: tibi res est cum victore omnium gentium, qui
vique

vsque ad terminos Aethiopiae, omnia circum
circa armis edomuit, cuius conspectum fortissi-
mae nationes exhorrent, cui montes subsidere
aduenienti, fluuii traicienti vada subductis vn-
dis praestare videntur, cui se turre inclinant,
moenia veluti supplicia ipsius genibus sese sub-
mittunt. Hic tibi iugulandus est, qui non minus
cum deo, quam cum hominibus bella gerit: qui
solum Nabugodonosorem deum haberi edi-
ctis imperat, armis cogit, qui vbique religiones
extinguit, templa demolitur, lucos succidit, illi-
us satelles qui Babylone sedem suam in Achi-
lone ponit, & similem se facit altissimo deo.

Quid times hominem imbellis dei? numinis
supremi causam agis, non tuam. Haecenus il-
lius subsidio protecta, in futurum spera eandem
securitatem, quam haecenus possedisti. Domi-
nus de caelo pugnabit tecum, stellae in sua sta-
tione preliabuntur aduersus satellitem idolola-
triae. Concluserunt dominus in manu tua, en
iacet supino iugulo, in proximo adhæret illius
gladius, nihil timendum, nemo tibi adest, nisi
tua Abra particeps consilii conscia, destinata fo-
cia operis. Hanc iube excubare ad ostium, tu v-
no ictu collum abscinde, ne singultantis & an-

E helan-

helantis animæ murmura stipatores excitent :
in fortibus facinoribus sola audacia tuta est, so-
lummodò timor periculum creat : quod si non
vno ictu illum truncum feceris, inuolue mori-
bundum & cum anima luctans caput conopeo
illo serico, ne vllus strepitus foris audiatur . Si
erret dextera, nõ horrore excutietur è somno,
quemcunque tactum sentiet , putabit tuas ma-
nus in illius amplexus circumferri. Sis mulier
de Thebis, illa Abimelech saxo, tu Holopher-
num gladio occidas. Vindica sanguinem san-
ctorum, qui effusus est. Voluit Iordanem inũ-
dare facere sanguine innocentium, & speciem
maris rubri efficere in campestribus Iudæ .
Natet ergo homicida in suo sanguine , effun-
dat vinum ebriosus per recisam ceruicem , sed
sanie cruorèque permixtum: discat Deum esse
in Israel. Res moras non patitur . Profundissi-
mus vbique somnus, altissimum vndiquaque si-
lentium, occupa tempora , quæ cùm nunc tibi
faueát, ipsa cūctatione aduersa fient, reporta ad
tuos & pudicitiam & victoriam Iudith digná.
Hactenùs decepisti eum fraude, ornata venisti,
blanda venisti, obsequiosa venisti, cepisti iam-
dudum eius mentem, nunc captum occide: nisi
occi-

occideris, non Iudith venisti, sed Dina abieris, ac multò peiore conditione abieris. Illa quicquid passa erat, necessitate passa erat, tu videris vltro stuprum inuisse, quæ cum domi, cum intra mœnia latere poteras, foràs egressa es, non vt Dina ad amicam gentem, sed ad nationem cruore innocentium ebriam. Ergo vindica famam tuam, vindica populum Dei, zelum Domini, sis mater in Israhel, vt Delbora fuit. Gaudeat Manassès maritus tuus, quòd in te superstite, liberatricem gentis Israheliticæ reliquerit. Ne videaris ideò hæctenus triennalé viduitatem elegisse, vt marito extincto non Iudæum, sed gentilem: non cultorem Dei, sed idololatram superduceres: aut ideò abstinuisse à nuptiis Israheliticis, vt cōcubina fieres homicidæ excidio multarū gentiū infecti. Nunc igitur Deus Sabaoth, qui per triduum me castam seruasti ab Allophyli libidine, & cuius consilio ista institui, confirma manum meam, ne aut vis dexteræ, aut robur animi deficiat, vt cognoscant gentes omnipotē-
tiam tuam, & quòd non
sit deus præter te
Domine.

DIALOGISMVS

DIVAE AGNETIS.



Vnc mihi placent hostes mei, cùm
 mecum non amoribus, sed ignibus:
 non precibus, sed torturis: non mu-
 neribus, sed carnificinis agunt: for-
 tiùs nunc resisto inter incendia, quàm tunc in-
 ter blandimenta: quanquam ne tum quidem
 victa sum, multa enim citiùs mollescunt, quàm
 franguntur. Sic Adamas ictus quanto sibi
 spernatur, sanguinis attactu in lentorem resol-
 uitur: Nec mirum, qui preces reiicit, durus sibi
 videtur: qui munera, incommodus & inciuilis
 apparet. Afferebat Præfecti filius lachrymas
 amore nostri expressas, preces ardentissimas,
 donaria amplissima, non concubinatum, sed ma-
 trimonium orans, eamque speciem præ se fere-
 bat, quasi sine me viuere non posset. Aderat in
 illius precibus voluptas, honor, amplitudo di-
 uitiarum, occinebat illud mihi in aurem: Nec
 dulces natos Veneris, nec gaudia noris: ostenta
 bat natalium splendorem, progenitorum stē-
 mata, præturas & cōsulatus, venditabat sese di-
 uitia-

uitiarum thesauris : ipse & forma & cultu ornatus, oculos nostros vultu, spe, metuque anxio sollicitabat, suspiria lachrymis, lachrymas suspiriis pmiscebat : tū me amico aut certè amāti videbar negare, nec sentire vel nuptiarum magnitudinē, vel proci ardentissimam beneuolētiā, nunc cūm pœnis sœuiunt, quicquid nego, hostibus nego: nec iam à me petitur connubiū licitum & honestū, sed vt sponsum meū Christum abnegem: facilis igitur mihi recusatio aduersus eos, qui odiis agunt, & nefaria petunt.

Egò ne te Christe negare possum? quem ante annos amoris iam diu amaueram: nondum decimum tertium annum ago, & tuo cōnubio iā inueterata sum: Quo tempore alię ætatis meę puellæ cum puppis lusitabant, ego me contemplatione tuæ pulchritudinis, qui preciosus es forma præ filiis hominum, oblectabar: cūm alix ad sinum maternum, vel nutricis amplexū confugiebant, ego sponsi mei crucem assiduīs brachiis constringebam. Fasciculus enim myrrhæ dilectus meus inter vbera mea commoratus est. Aliæ tractant suas cerussas, purpurissas, stibia, quibus facies incrustant, ego nullū in caput meum tectorium admisi, nisi quòd sanguis

Christi colorauit genas meas: dum aliæ nitro,
lixiuio membra emūdant, ego sola aqua de la-
tere Christi promicante corpus lauauit: Agnes
agnum Dei perpetuo amore prosequuta sum.
Illūm ne ego abnegare possum? quasi quippiā
me à charitate Christi separare possit: frustrā
hic habet gladius suum acumen, frustrā fames
suam esuriem, frustrā ignis suas flammās, fru-
strā mors suum exitium: dilectus meus mihi,
& ego illi, duo sumus in carne vna, vnitas non
recipit diuisionem: nec Agnes ab agno diuelli
potest, cum illo vnior, vt ille cum patre: non po-
test humana vis interrompere cœlestem copu-
lam, quod Deus coniunxit, homo nō separat.
Quid ignaui statis carnifices? cur incendiarii
torpetis? cur vstulator friget? afferte huc om-
nes flammās Vesuuii, incendia Aethnæ, pru-
nas Liparæ, vt experimentum capiat, quantò
his omnibus magis in me ardeat amor Chri-
sti. Nihil vobis irascor, quia iam pœnis nō fla-
gitiis sæuitis, istis incendiis nihil nisi holocau-
stum me Domino efficitis, tanquàm aromata
incendor, vt Christi bonus odor fiam, quò cœ-
litum naribus combusti martyris fragrantia a-
spergatur. Debuit hæc flamma ex Vestalibus
focis

focis peti, prunæ istæ ab idolo afferri, qua contemptrix idolorum concremaretur. Id saltem ingeniosè commenti sunt, vt viribus eius numinis videar plecti, cuius religionem aspernata sum. Præst Vestæ gentilium opinione virginitati, præst ignibus, huic quia virgo sacrificare nolui, contra pudicitiam meam, publicâ libidinem conuocauerunt: insonuit tuba, nō ad cædes hostium militares animos accédens, sed vulgus promiscuum ad puellæ innubilis castitatem expugnandam conuocans, vt prius publica omnium stupra pateretur, quàm per ætatē venerei pruritus cupidinem sentisceret. Detrahebantur miseræ vestes, non vt flagro admouerer (nam id in votis fuisset, nimirum digna habita, quæ pro Christo contumeliam paterer) sed vt omnium libidinosis affectibus nuda proflarem, & publicis oculis spectaculum essem, quæ ne ipsa quidem me nudam vnquàm aspicere sustinui: tum dolebam, tum anxia, tum semianimis fui, cùm iudices mei aduersus damnatam, non suppliciis, sed flagitiis immanitatē suam ostendebant: tum canebam luctuoso ore illud Salomonis, Inuenerunt me custodes ciuitatis, vulnerauerunt me, tulerunt pallium meum.

Sed

Sed non defuit cœleste auxilium, vbi non præ-
sto fuit humanum præsidium . Capilli capitis
mei non solum numerati sunt à Christo, vt ni-
hil periret, sed ita increuerunt, vt corpus meum
quali densibus frondibus inumbraret : natura
mihi dedit velamen ad subsidium verecundiæ,
cum vestem, quæ ex artificio erat mea, nuditas
amississet . Adam sensit se nudum ex pecca-
to, ego contra peccatores me vestitam experta
sum. Habent scelera inopem nuditatem, habent
virtutes ornatissimum cultum, ita intacta ab o-
culis ad locum turpitudinis producta sum. Cir-
cundederunt domum densissima salacium iu-
uenum multitudo, vt ex virgine Christo con-
secrata, & in templum Spiritus sancti dedica-
ta, matulam promiscuæ libidinis efficeret. Sed
ne tum quidem sensi me à meo sponso dereli-
ctui datam . Solet ille enim hætenus suorum
admittere afflictiones, quoad cruciatibus illæ
non sceleribus constant . Hætenus Abraham
iactauit vexationibus, vt vxorem reliquerit &
cesserit alienæ libidini: mox tamē destinata co-
ercuit & intersepsit, ne ad finem stupri conata
procederent, intra metum constitit periculum
matronalis pudicitæ, frena libidini iniecta sunt;

ne

ne vltcrius euagaretur. Ita quoque Chrifte tua Agnes, quam & nomine puritatis, & voto castitatis insigniisti, ad id discriminis venerat, ne dum viuus matrimonialem concubitū tua gratia aspernatur, omnium libidinem pateretur. Sed habui angelum custodem corporis mei, luce cœlesti me circummuniisti, quod mihi claritatem, aliis exitiū fulminis haberet: primus qui ausus est hanc coruscationem irrumpere, temeritatis pœnas morte luit: iacuit extinctus, qui alienam pudicitiam extinctum venerat. Habet cœleste iubar perniciosas viros incredulis hominibus. Excœcatur Paulus ad Damascū proficiscens luminis radiis, quia incredulus, idē postea credulus inoffensis oculis per lunam & solem vsque ad tertium cœlum euectus, patrem luminum sine noxa intuitus est. Haftenus scruitum est contra meam virginitatem, nunc corpus flammis vndique cinxerunt. Non deprecor hanc pœnam, excoquant ad purum scoriā meam, vt fiam aurū obrizum in templo Domini: laudo iudices meos æquitatis, q̃ m enon incestarū Vestaliū pœna terris infodiūt: agnoscunt inuictā virginitatē, cum à corruptę virginitatis suppliciis abstinent: ignibus agunt, in quo

F sym.

symbolum est illibatæ virginitatis. Vide nunc
Christe, num magis intus tui amore, an foris
ignibus istius rogi exaestuem: obserues quæso,
an corpus, an animus maiores flammæ concipiat:
vide tu quoque Vesta, quid inter tuas, &
Christi virgines intersit: tuæ nec præmiis ma-
ximis, nec honoribus summis, nec suppliciis se-
uissimis, intra pudicitiam, eamque non per-
petuam, sed trigenariam coërceri queunt: & cū
nisi sex ex vniuerso populo seligantur, illæ se-
lectissimæ, & tam paucæ integritatem non tu-
entur. Christianæ puellæ cum certa expectati-
one mortis virginitatem retinēt, nec forma a-
dulescentium eas sollicitat, nec munera allici-
unt, nec honor inuitat, nec pœnæ extorquent,
vt à mortifera virginitate absistere velint. En
ego sponsum meum non per aquas vt Lean-
der, sed per vndantis æstuantisq; incendii flā-
mas prosequor: & omnia quæ eò mihi prope-
ranti obstant, non ideò grauiā, quia cruciatum,
sed quia moram habent: nam dulcia mihi ama-
ritudinem, honesta infamiā, pulchra turpitudi-
nem habere videntur, quæcūque se huic itine-
ri obiciunt: omnia enim reputo vt stercora, vt
Christum lucrifaciam. Nec in proco isto secu-
lari

lari reuerita sum patris Præfecti vrbis amplissimam dignitatē, nec miseris illius lachrymis, aut anxiiis precibus emollita sum, non ad minas Iudicis, aut pœnas carnificis exhorruui.

Quomodò enim metuere potest cruciatū, qui iamdudum suam carnem crucifixit? aut quomodò mortem formidabit, qui iam pridem cū Christo & mortuus & sepultus est? qui iam nō ipse, sed in quo Christus viuit. Iacuit Laurentius in cādefacta craticula cum sensu rosarum: igneus ille flammarum color, martyri inuicto rutilantium florum lucem exhibuit: nidor destillantis carnis, myrrhæ fragrantiam naribus afflauit. Sic qui pro Christo voluptates repudiant, in ipsis cruciatibus voluptates reperiunt. Aut enim in Christi martyribus tormēta suam vim amittunt & nihil agunt, aut frustra agunt aduersus inuictos. Amat crucem suam Andreas, & cum osculis ad eam properat, atque in eo ligno prius basia figit, in quo ipse mox figendus erat. Stephano lapides torrentis dulces fuerunt: ibant gaudentes Apostoli post lacerationem flagrorum, quia digni habiti essent, pro Christi nomine ignominiam pati. Sic vincunt Christiani inuictum tormentum, & gaudium

eorum in ipsis cruciatibus è vultu promicat ?
Quis vidit Machabæos fratres in sartagine affatos ploratum emittere ? quis Petrum in cruce lachrymabundum ? quis Paulum sub gladio expostulabundum ? Ita tu quoque Christe, vel præbe mihi eam vim pectoris, quæ tabescēte & distillante corpore inuictum robur contineat, vel flammæ iube lucem incombusti Rubi à Moyse visi sine concrematione meis membris adferre, vt cum tribus pueris in fornace Babylo-nica ex ignibus claritatem, ex fumo ventum ro-
ris flantem experiar . Sed mirum, diuidit se flamma, & quasi refuga corporis mei, huc illuc procul à me sua incendia euoluit. Vide nunc fili Trophonii præsidis, quæ libido extitit, meæ preces in vitam reuocarunt, quàm ignis Vestæ inanissimi idoli nihil aduersus cultores Christi possit: ex energia istius ignis veri numinis potentiam cognoscas, ego in media pyra detrimenti nihil sentio, inferat aliquis vestrum dexteram, vel in primam flammam exusta manu Scauola redibit : vobis ad scelus vestra seuitia permittitur, perdendi potestas non conceditur, obediunt elementa suo creatori, ad eius voluntatem, non ad vestram immanitatem vires suas

suas exercent. Non habet vipera in manu Pauli venenum, in cremo habuit aduersus murmuratores. Vadofum est mare Erythreum Iudæis, vndofum AEgyptiis: eadem dies lucem clarissimam Hebræis, dēfissimas tenebras AEgyptiis habuit. Combūrūtur Babylonii extra fornacem, irrorātur pueri in medio fornacis. Nō hęc fiunt arte magica, nō demon habet locum vbi virtutis exercitium est. In sceleribus miracula à demonibus profecta existimatote, in pietatis & veritatis testimonio digitum Dei esse credite, qui ista efficit. Quid peccatis in Spiritū sanctum? cur operā illius diabolo attribuitis? cur vos irremissibili facinore impiatis? cur in puella duodecim annorum calliditatem anicularem suspicamini? cur in innocente flagitiosissimam mētem? quid necromanticam existimatis? quæ ipsa mūdo mortua est: quid in me culpare potestis, nisi obstinatam pudicitia? hominum nuptias cōtempsti, quia cœlestibus spōsalibus me addixi. O quādō venient nuptiæ agni Agnetis? quādō satisfiet arraboni annuli meis digitis inserti? cupio dissolui & esse cum Christo: postq̃ ignes vestri vires non habent, cur non efficaciora adhibetis? cur vota differ-

tis? suspiria mea producit? Sicut ceruus desiderat ad fontes aquarum, ita desiderat anima mea ad spōsum meum: quando veniam, & apparebo ante faciem illius? Sed (bene est) video Aspasi iussu aduersus me gladiū stringi, haurite sanguinē, vulnerate pectus, sed ante Christi amore saucium, ignes istius rogi meo sanguine restinguite: non debet illa flāma ardere, quę tam cōtumax fuit vestris conatibus, & tam segnis & tarda meis desideriiis: anima mea iam dudum liquefacta fuit, liquefactum etiam corpus: quamprimū optaui, vt spōso meo me ostenderem, quantopere illius amore extabuissem. Nunc igitur quando id non licuit, vndeūque libet sanguinem effundite: si vulnera vel in corde, vel in manibus, vel pedibus accepero, similis ero sponso meo, qui in omnibus istis partibus, vulnera accepit, stigmata Christi in corpore meo circunferam. Tu igitur Christe sponsam tuam per gladios, incendia, mortes, ad te vadentem, celeriter accipias, & in domum patris tui & cubiculū genetricis introducas.

47

DE CAMMA GALATHA EX

Plutarcho, De virtutibus fœminarum.



Rant in Gallogrœcia duo potentissimi Tetrarchæ, Sinatus, & Synorix, & sanguinis propinquitate inter se coniuncti, quorum Sinatus Cammâ virginem in vxorem duxerat, quam formæ dignitas spectabilem, virtus omnibus admirabilem reddebat. Nô enim de pudicitia solùm bene audiebat aut coniugali erga virum charitate, sed animi magnitudine prudetiâque celebris erat. Huc accedebat humanitas eximia, & bonitas erga subditos, vnde mirè inter populares grata fuit. Hæc ornamenta ideò clariora fuere, quòd Sacerdos Dianæ erat, quam gens illa in primis colit, & in pompis & sacrificiis mag-nifico cultu ornatam exhibet. Hac de causâ caput eius amore Synorix, cùm nec preces, nec vim viuente marito quicquàm efficere sperat, ad dirum facinus conuertitur. Per dolum enim Sinato interfecto impatiens moræ, non ita diu post cædem factam nuptias Cammæ ambit, as-siduè per id tempus in Dianæ templo versan-tis, nec flebiliter aut ignauè calamitatem feren-tis,

tis, sed ira consiliis instructa, oportunitatem vlciscendi expectantis. Ille autem in preces effusus, allegatis quoque speciosis rationibus, iactabat sese Sinato cæteris in rebus præstantiorē esse: nec eadem animi immanitate, sed necessitate amoris fecisse. Fœmina ibi haud inclementer recusat, videbatúrque paulatim temporis progressu emolliri: instabant enim amici tum vi, tum precibus, vt nuptiis Synorigis assentiretur, qua in re gratiam beniuolentiámque potentissimi hominis aucupabantur. Expressum est tandem à fœmina, vt matrimonium nō detrectaret. Accersitur igitur Synorix in templū Dianæ, vt ibi quasi corā numine sponsalia cōfirmarentur. Quem vbi eò venientem comiter matrona excepisset, libat è phiala, partēque eius poculi ipsa ebibit, partem bibendam Synorigi porrexit: erat autem venenatū mulsū, quod vbi epotum vidit, adorabunda numinis, clara voce exclamat: Te testor charissima Diana, me solummodò huius diei gratia post eadem mariti superstitem esse voluisse, nec interea temporis quicquam mihi dulce fuisse præter imaginationem vlcionis, cuius cū compos sim, ad virum descendo. Tibi autem scelestissi-

fusissimo pro nuptiis & thalamo sepulchrum
tui amici parabunt . His auditis Synorix , ac
vim veneni iam persentiscens, in currum ascen-
dit , vehiculi iactatione & concussione ad vo-
mitum vsurus : non potuit tolerare eum mo-
tum ægrotum corpus:quamobrem ad lecticam
transgressus est , ac sub vespertinum crepuscu-
lum expirauit. Camma verò cùm vim

veneni per eam noctem sustinu-

isset , audita Synorigis

morte, læta ac ala-

cris vitā fi-

niuit.

G Dialo-

DIALOGISMVS

CAMMAE.



Abes Iouis Epithalamii geniale poculum, implesti te non vino, sed veneno: propera iam deinde nō ad marital cubiculum, vbi in desyderatis amplexibus quiescas, sed ad ferale sepulchrū, vbi cū rancidis cadaueribus putrescas. Quid expallefcis degener? idem iter ego tua sponsa ingrediar, bibimus ex eadem phiala matrimonii cōfœderatrice, tali arrabone nuptiæ firmandæ erāt, vbi alter mori voluit, alter debuit, sed nimis sero & pcrastinato exitio. Tu enim statim post homicidiū perire debueras, ego optaui: dilata mea mors est, vt tuam procurarem. Minus bibi ex veneno quàm tu, nō vt cunctantiùs extinguerer, sed vt tuum exitum priùs viderē, perfruerēq; delitiis exactę vltionis. Noli dolere, quasi tibi aliquod peculiare malū incidierit: pari fortuna omnes coniungimur, pcrirrit maritus insidiis, tu merito, ego volūtate: dispari quidem conditione, sed tamen ad idem exitium trahimur. Hoc discriminis solummodò est inter meam & tuam mortem, quòd ego iam desi-

desino misera esse, tu incipis: quicquid enim post mortem coniugis vixi, mors fuit, nō vita: nunc cū ad illius manes descendo, principiū nouæ vitæ me assumere existimo. Quæ enim cum marito est, ea viua dicenda est. Cū maritum occidebas, tum Camma periit, atque eodē vulnere duo trucidati sunt. Pro duplici homicidio non nisi vnā mortem pateris, reliquas pœnas inferi exigent, ego tantum supplicii de te sumpsi, quantum & potui, & tu capax fuisti. Vide tua scelera nefarium caput: Primū consanguinei vxorem, sacerdotem ad stuprū sollicitasti: nec iura sanguinis, nec sacra matrimonii, nec reuerentia castissimi numinis vllam remoram tuæ libidini attulerūt: irrepsit tua incesta salacitas in thalamos alienos, in tēpla Deorum, inter stemmata consanguineorum: nec tamen intra hunc finem tua scelera constiterunt: miserum coniugē fiducia cognationis omnia præsidia de te sperantem si quid aduersi incidisset, inermem inopinantēq; per dolum trucidasti. Tum scilicet tibi vidua eram, tum vacua, tū nouis nuptiis idonea: atqui scelestē, sanguine mariti matrimonium nostrum consecrasti, non dissoluisti: coniugia animorum coniū-

ctione, non corporum constant: alioqui inter
absentes matrimonia non essent. An putas Ar-
temisiā credidisse se sine marito esse, cū illū
& animo recepisset, & epotis cineribus intra vi-
scera cōdidisset? verum matrimonium morta-
lia corpora, animorū coniunctiones immorta-
les habet. Quid te insane in non minùs stulta,
q̃ nefaria cōsilia impulit? si cū me viuentē ma-
rito officiis coleres, blanditiis foueres, muneribus
ambires, lachrymis sollicitares purus adhuc à
cæde, nihil tamen impetrabas: quid spei
potuisti reponere in tā acerbis & funestis iniu-
riis? nec casta impudicū, nec pura nefariū, nec
sacra impium, nec læsa iniuriosum amare po-
test. Aut similitudine morū, aut sedulitate offi-
ciorum beniuolentia conciliatur. Tuo amori
non solū obstant ingentia scelera, sed etiam
turpissima dedecora. Tēne in cōiugalem soci-
etatem admittam, vt simul & adultera & mari-
ti prioris interfectorix existimer? Quæ occisorē
mariti in thalamum recipit, cum eo de homi-
cidio mariti videtur conuenisse: consilia com-
munia videntur præcessisse, vbi nuptię pōst se-
quuntur: nulla enim mariticide nubit, nisi quæ
maritū occisum voluit. Excute omnia, vnde a-
liquam

liquam commendationem tui deriuare possis. Si mihi allegas formę tuę dignitatem, digniori forma præditum occidisti: plus per te amisi, q̃ in te recipere possum: si generis claritatem, ea tuis cędibus cruentata madet: si potentiam imperii, ea fecit vt in cognati mactatione leges nō timeres, eadem in causa fuit vt ad pœnam vltionemq̃ illatę mortis, nisi mea morte peruenire nequiuero. Vides q̃ iustis de causis nupta te vt adulterum, vidua vt sceleratū aspernata sum. Putabas stolide dum ad preces tuas minùs duriter respondeo, dum toruitatem vultus abscondo, me vel nunq̃ antea iratā vel progressu temporis placatam fuisse? id agebatur dissimulatione offensarum, vt te in fraudem & perniciem allicerem. Quicquid æui transactum est à mariti morte, id totum in meditationibus vindictę consumptū est: quicquid habui vel animi vel ingenii, in ea consilia impensum est. An putas me ignauiozem Chiomara Ortiagontis vxore, quę adulterici caput ad maritum retulit? aut illam maiores causas irarū habere, q̃ ego habui? Illa stuprum passa est, ego mariti cædem: illa scelus hostile, ego cognati facinus experta sum: illa inter arma victorum, nos domi inter

ciues istā calamitatem accepimus: illa sine necessitate hostem occidit, ego nisi te occidissem, necesse habui tuas nuptias subire: illa dimittebatur ad suos postmodum libera futura ab hostili circūplexu, ego in tuos thalamos p vim intrudebar ad ppetuos concubitus. Oīa quę tu in me amasti, ea cōspirarūt ī tuā necē: formolitas mea deformem sceleribus enectū cupiuit, pudicitia adulterū extinctū, charitas cōiugalis mariti occisorē suppliciiis mactatū optauit, ingeniū vigēs cōsilia vltionis cōcepit, animus ingēs executus est. Bibisti venenū, virus nūc ipsa p̄cordia occupat, vbi tā scelerata cōsilia de Sinato occidēdo instituta fuere. Cur exanguis trepidas? Sit eadē fortitudo in morte toleranda, quam in cęde faciēda exhibuisti: cur non eadem animositas in necessitate, quę in vltroneo facinore pręsto fuit? Disce ex me si aliundē non potes, quā ala-cri animo superos relinquam. An ideo ista luriditas in vultu, quòd furiarum pœnas vmbri-
tuis debitas viuus sentis, nec vt alii solent, post mortem lancinaris, sed sensibus etiam num vi-
gens, tartareos cruciatus experiris. Nō puto te ita ignauum, pręsertim hominem cædibus af-
fuetum, vt hic pallor genarum mortis formidi-
ne

ne censendus sit natus. Profectò sic est, furiales
 illę faces mentem vrunt, capita illa serpentibus
 hirta in te incursant. Pregustas nūc pœnas, quas
 apud inferos patieris, & nōdum in tartaro tar-
 tarum experiris. Te igitur Diana castissimum
 numē primum oro, vt ppitia sis meo veneficio,
 nec templū tuum pphanatum existimes duo-
 rū mortibus. Soles gaudere impudicorū exitiis.
 Visus lasciuior in Acteone, morte punitus est.
 Calysto & per vim & à Ioue impudicā factā,
 ferali forma condénasti: ego insidiatorē pudici-
 tiæ de medio sustuli, pudicitia meā mea ipsius
 morte asserui: ne, igit̃ pro scelere imputes, quod
 cōtra scelera perpetrātū est. Tu igitur quę tripli-
 ci numine venerāda es, et in cœlo lunaribus ra-
 diis mundum illustras, & in syluis virginitatis
 studium venationibus colis, & apud inferos re-
 gina vmbrarū tertiam partē rerum gubernas, a-
 nimā hanc innocentem in Elysios campos ad
 mariti cōplexum deducas, sceleratūq; Synori-
 gen vel procul à nostris oculis secerne, vel tali
 specie offer, & inter tales pœnas, vt voluptatem
 capiamus ex illius cruciatibus. Mentemq; eam
 amicis meis immittas, vt ossa mea in sepulchro
 mariti, non adulteri componant.

FINIS.



1059. 3





